

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stamp@provincia.tn.it

COMUNICATO n. 2403 del 05/08/2022

Traduzione in ladino

Concors fotografich: Cognoscer la sajons del Euregio

L Euregio Tirol-Sudtirol-Trentin l se ouc endodanef ai fotografes amatorièi per troèr fora i retrac più bie del Euregio per l Calandèr 2023. Ence chest an i sentadins e la sentadines di trei raions i é envié a portèr dant si retrac più bie per poder aprijièr la beleza del teritorie Euregio.

Pel esser retrac de paesajes, de architetura e cultura regionèla e ence de elemenc carateristics del teritorie: a chi che tol pèrt ge vegr lascià libertà de esprescion. L argoment principèl l é aboncont semper chel di colores e de la cater sajons. I retrac più bie i vegrà pubbliché sul nef calandèr del Euregio, che l vegrà fat tant te n format da poder tachèr su che da pojèr sun desch.

Pes per i retrac più bie

Desche pest se ciaparà i “Euregio Bundle” da no perder, metui adum (ogneun) da n prossach, n mantel da pievia, una ciutra termica, una maieta e una ajenda sorida.

I pes i ge vegrà consegné ai venidores, e sia fotos les vegrà durèdes per la pruma piata, per i retrac principai del meis opuramente per l collage de retrac. Estra apede, na piata del Calandèr del Euregio 2023 la vegrà dedichèda ai venidores.

Duc i sentadins e la sentadines del Euregio Tirol-Sudtirol-Trentin pel tor pèrt al concors. Se pel manèr ite no più che cater retrac per ogne sajon (donca 16 retrac en dut). L Euregio l domana de manèr ite i retrac a auta risoluzion, col spezifichèr estra apede la informazions en cont del soget medemo e del artist.

Se pel tor pèrt enschin ai 4 de setember del 2022 duran l link

<https://www.europaregion.info/it/concorso-fotografico/>

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

<https://www.youtube.com/watch?v=eQnBLSZAWwY&t=3s>

(cdt)